

Zbirka medijskih objava

Vlada Brčko Distrikta_kliping_dnevno,
za razdoblje 20. 8. 2017

Broj objava: 2

Štampa: 2

Teme praćenja:

Vlada Brčko Distrikta: 0

Brčko: 2

Gradonačelnik Brčko: 0

Štampa	Naslov	BiH (samo) na papiru nije prevarena		
Serijski br. 1	Medij; Doseg	Oslobodjenje; , Bosna i Hercegovina	Stranica: 4	Površina: 646 cm ²
	Rubrika, Datum	Događaji; 20. 8. 2017		
Stranica u zbirci: 4	Autor	Metaj Ernad		
	Teme	Brčko		

Štampa	Naslov	Prema podacima ZZO-a, u HNŽ-u su 83 osobe oboljele od celijakije, a u ZHŽ-u 43		
Serijski br. 2	Medij; Doseg	Večernji list; , Bosna i Hercegovina	Stranica: 8	Površina: 343 cm ²
	Rubrika, Datum	Aktualno; 20. 8. 2017		
Stranica u zbirci: 6	Autor	Abramušić Valentina		
	Teme	Brčko		



BiH (samo) na papi ru nije prevarena

Zamjenik ministra finansija BiH Mirsad Žuga za Oslobodjenje otvoreno govori o mnogim spornim pitanjima i stotinama miliona maraka koje su na čekanju

Razgovarao: **ERNAD METAJ**

Svjedočili smo zajedničkim sjednicama Vijeća ministara sa vladama Srbije i Hrvatske. Ima li pomaka kada je u pitanju povrat imovine građana i pravnih subjekata iz BiH koja je ostala kod susjeda?

- Od kada sam došao na mjesto visokog predstavnika BiH za sukcesiju, insistiram na sastancima sa kolegama iz regiona. Zarazliku od Republike Slovenije, gdje smo prošle godine održali bilateralni sastanak sa njihovom visokom predstavnicom i doprinijeli uspješnom rješenju problema stare devizne štednje, sa susjednim državama pregovori ne idu tako lako. Na marginama konferencije Sporazum o pitanjima sukcesije - 15 godina poslije razgovarali smo i sa tadašnjim visokim predstavnikom iz Srbije gospodinom Rodoljubom Etinskim, ali s obzirom na to da on više ne obnaša tu funkciju i da još nije imenovan novi visoki predstavnik, konkretnih razgovora nema.

Manjak volje

Takoder, na naše prijedloge za razgovor sa visokom predstavnicom iz Hrvatske nismo još dobili odgovor, tako da se bojim da je riječ i o nedostatku volje da se potpisano i provede. Podsjetit ću da je aneksom G sporazuma o pitanjima sukcesije bivše Jugoslavije regulisano da će prava na pokretnu i nepokretnu imovinu na koja su građani ili pravna lica drugih zemalja imali pravo biti priznata, a imovina zaštićena i vraćena.

Koliko je BiH vratila imovine Srbiji i Hrvatskoj i da li je BiH prevarena u procesu sukcesije?

- BiH je donijela odluke o provođenju aneksa G i time nije ostavila nikakvu dilemu u izvršavanju svojih obaveza. Meni nije poznato da postoji veći slučaj da je nekome uskraćeno zagarantovano pravo. S druge strane, mogao bih reći da BiH na papiru

nije prevarena, ali u praksi jeste.

Najviše neriješenih pitanja imamo s Hrvatskom, koja još onemogućava raspolaganje velikom imovinom bh. firmi i građana, poput luka Šibenik i Ploče, bolnice u Cavtatu, imovine Agrokomerca i Energoinvesta, nekoliko hotela, vila i sl. Neosporno je da se sve ne može vratiti u vlasništvo poput Luke Šibenik, ali se može odrediti pravična nadoknada. S druge strane, sa Srbijom je sporna arhivska građa, hidroelektrane na Drini, ali i imovina bivše JNA za koju je trebala biti obezbijedena pravična nadoknada.

Možemo li govoriti o pasivnosti institucija BiH ili pojedincima iz vlasti koji u ovom procesu više gledaju interes susjeda nego BiH?

- Teške su to kvalifikacije, BiH zvanično vodi sve procese, ali teško je bez dobre volje druge strane. Konkretno aneks G vodi ministar pravde BiH i uvijek je bio spreman zajedno sa mnom ići u Hrvatsku. Neosporno je da mi kao složena država imamo unutrašnjih problema koji nas usporavaju. Sa Hrvatskom, naprimjer, još nemamo bilateralni sporazum. Njegovom potpisivanju, prema mojim informacijama, protivili su se predstavnici iz RS-a zbog problema u rješavanju stanarskih prava izbjeglih iz Hrvatske. Poslije toga Hrvatska nije pokazala mnogo volje da dođemo do sporazuma. On nije uslov da se rješavaju pitanja iz sukcesije, ali bi sigurno olakšao stvari.

Rusi su uplatili klirinški dug, nama je ostao dug za plin, šta će biti s tim, može li se desiti da entiteti izbjegnju svoje obaveze?

- BiH je dobila 125.147.834 dolara, od toga Federaciji BiH pripada oko 72,5 miliona, RS-u 36,2, Brčko distriktu 3,7, a institucijama BiH pripada oko 12,5 miliona dolara. Premamojim informacija, opredjeljenje BiH je da ova sredstva uložimo u Granični prijelaz Bratunac - Ljubovija i četiri zgrade u Sarajevu, Mostaru i Lukavici. Evidentno je da ostaje neriješeno pitanje ratnog duga za plin, oko 99 miliona dolara. Do sada su troškove vraćanja

ovog duga uglavnom snosili građani FBiH, pa se prema mom mišljenju moglo ići u pravcu da bar dio uplaćenog novca po klirinškom duhu vratimo za plin. Za takvo nešto ne postoji saglasnost entiteta.

Zadržimo se još malo kod entiteta, koliko je tačna tvrdnja da zbog neravnopravne raspodjele prihoda Federacija finansira RS?

- Prema meni dostupnim analizama, Federaciji BiH se na godišnjem nivou vrati oko 500 miliona manje od onoga što se s njenog teritorija uplati po osnovu poreza. Po ovome ispada da RS uzima pare od države, a SNSD se buni kako se stalno radi protiv RS-a. To je mantrakom se skreće pažnja s katastrofalne ekonomske politike u ovom entitetu. S druge strane, postoji i opravdano nezadovoljstvo pojedinih kantona u FBiH postojećim načinom raspodjele prihoda i čini mi se da bi najpošteniji princip bio da se raspodjela vrši po osnovu krajnje potrošnje. Tada bismo mogli faktički imati elektronsku raspodjelu, dok je trenutna praksa da odluke o kriterijima donosi Upravni odbor UIO.

Čini se da Bošnjaci kao najbrojniji narod imaju najmanje uticaja na raspored državnog novca?

- Jasno je propisano kako se uspostavlja Upravni odbor UIO. Trenutno tamo imate dva Bošnjaka i to iz reda eksperata, jer su državni i entitetski ministri finansija iz drugih naroda. Smatram kako se u budućnosti u ovom segmentu stvari moraju mijenjati i kako bi bošnjačka politika trebala insistirati na mjestu državnog ministra finansija, a posebno jer će predsjedavajući Vijeća ministara vjerovatno biti iz srpskog naroda.

Postoje značajna bespovratna sredstva koja BiH nije povukla iz međunarodnih institucija, a stalno se zadužujemo. Koliko nam je novca propalo i zbog čega?

- BiH gubi stotine miliona maraka zbog nepostojanja određenih agencija i strategija na državnom nivou. Samo zbog nepostojanja IPARD struktura BiH je u posljednje tri godine izgubila 100 miliona eura bespovratnih sredstava za poljoprivredu. Od tog novca najviše koristi bi imali entiteti, koji se sada zadužuju da bi rješavali probleme u ovoj oblasti. Aktuelna je i priča sa transportnom zajednicom gdje su definisani projekti koji bi se finansirali u BiH, ali bi sredstva mogla biti preusmjerena u druge države.

Aktuelizirana je priča o stanju na graničnim prelazima, oni su ogledalo države, kako to da nema novca za njihovo održavanje, a prihodi od indirektnih poreza rastu?

- Mi generalno imamo problem sa finansiranjem svega što ima prefiks državno. Godinama budžet BiH je limitiran i ne dozvoljava se njegovo povećanje. Da bi policajcima povećali plaće, uredili granične prelaze, osnovali nove institucije potrebne za provođenje reformskih procesa, mi moramo novac uzimati s drugih pozicija.

Novi pravilnik

Budžet UIO je za 2017. manji u odnosu na prošlu, plan kapitalnih investicija je manji za 4,4 miliona maraka.


Međunarodne institucije i NVO stalno insistiraju na uštedama, da li je tačno da se samo na troškovima prevoza uposlenih može uštedjeti nekoliko miliona?

- Pokušavamo usvojiti novi pravilnik. Istina je da ide sporo, radimo simulacije koje će pokazati kolike bi bile uštede. Intencija je da se u buduću prevoz plaća po kilometru, jer sada imamo situaciju da uposlenici koji dolaze iz istog grada naplaćuju različite nadoknade. Njihova obaveza je da dostave tri ponude, što ostavlja prostor za manipulacije.

Tražili smo povećanje državnog budžeta, ali nije usvojen fiskalni okvir za period 2017. do 2020.



Žuga: Sporno je sve što ima prefiks državno



BiH gubi velike novce



Kad gluten trajno "zaboli

Prema podacima ZZO-a, u HNŽ-u su 83 osobe oboljele od celijakije, a u ZHŽ-u 43

Oboljeli od celijakije u te dvije županije primaju mjesečnu naknadu od oko 80 KM

Bolest, koja "tiho", ali ozbiljno narušava zdravlje, nije tako jednostavna za dijagnosticiranje, ali je iznimno "skupa"

Valentina Abramusić

bih@vecernji.net

MOSTAR

Zasigurno je malo građana koji će na spomen riječi "celijakija" znati o čemu je točno riječ. Bolest je to koja "tiho", ali ozbiljno narušava zdravlje, nije tako jednostavna za dijagnosticiranje, ali je iznimno "skupa". Celijakija je doživotna autoimuna bolest koju obilježava trajna netolerancija na gluten, a dijagnosticira se i u dječjoj i u odrasloj dobi. Za razliku od drugih u svijetu, veliki broj osoba smatra kako FBiH celijakiju ne priznaje kao bolest.

Naknade djeci i studentima

Osobe koje boluju od celijakije ne smiju jesti ništa što sadrži gluten, točnije bjelančevinu koja se nalazi u pšenici i srodnim žitaricama. On uzrokuje oštećenja, upalnu reakciju koja se odvija u organizmu, a ona dovodi do atrofije crijevnih resica, govore stručnjaci. Unos glutena kod oboljelih od celijakije uzrokuje niz poremećaja i iznimno je opasan za daljnji razvoj bolesti. Jedini način za preživljavanje je bezglutenska prehrana, ali kupovati namirnice bez glutena nije nimalo jednostavno. Kilogram bezglutenskoga brašna stoji oko 10 maraka, dok je mala kutija bezglutenskog keksa od 4 do 6 maraka. Jedna od aktivistica udruge "Dobro" kazala je kako čak i roditelji koji imaju financijska sredstva djetetu koje boluje od celijakije ne mogu mnogo toga priuštiti upravo zbog cijena koje su astronomske. Iz Zavoda za javno zdravstvo Hercegovačko-neretvanske županiju kazali su nam kako osobe koje boluju od celijakije primaju mjesečnu pomoć do 80 maraka. - ZZO HNŽ-a sufinancira troškove kupnje bezglutenskih namirnica djeci, redovitim studentima, izvanrednim studentima koji nisu zaposleni i osobama koje su na Zavodu za

zapošljavanje, a osiguranici su ZZO-a te županije - kazala nam je u razgovoru Alenka Ban iz ZZO-a HNŽ-a. Dodala je kako osobe na osovi potvrde ZZO-a imaju pravo uzimati potrebnu hranu u gradskim ljekarnama.

Što se tiče ZHŽ-a, rečeno nam je kako Zavod zdravstvenog osiguranja te županije oboljelima od celijakije do navršениh 18 godina života, odnosno do kraja redovitiše od 280 osoba boluje od celijakije, među kojima je i određen broj djece, a bezglutensko brašno imaju pravo uzimati na recept tog obrazovanja, ali najdulje do navršene 26. godine, odobrava iznos od 75 KM mjesečno za nabavu bezglutenskih namirnica po predračunu dobavljača. Broj oboljelih od celijakije koji primaju naknadu u te dvije županije je 126, od čega su 83 osobe iz HNŽ-a, a tek 43 iz ZHŽ-a.


Situacija u RS-u drugačija

U te dvije županije na određeni se način nastoji pomoći oboljelima, dok se u ostatku Federacije stanje razlikuje od županije do županije. RS i Distrikt Brčko tu su oblast uredili pa se bezglutensko brašno dobije na recept, što znači da je sve riješeno na entitetskoj razini. U RS-u je oboljelih od celijakije više od 280, među kojima je i određen broj djece.

- Za hranu mjesečno izdvajamo više od 100 KM, a dobar dio tog iznosa ode na slatkiše koje su iznimno skupe. Mjesečne izdatke ublaži samo to što deset kilograma bezglutenskoga brašna svakog mjeseca dobivamo u ljekarni na recept - priča majka trogodišnje djevojčice koja od rođenja boluje od celijakije.

280

U REPUBLICI SRPSKOJ



Oboljelima od celijakije nužna je bezglutenska prehrana